



**DIBEN: Adroddiad i'r Panel Heddlu a Throseddau (25/10/19)**

**Teitl: Adroddiad cynnydd yn dilyn yr Adroddiad Craffu Dwys o Ymagwedd Heddlu Dyfed-Powys tuag at Fynd i'r Afael â Chyffuriau Anghyfreithlon**

**Crynodeb Gweithredol:**

Ym mis Ebrill 2019, cyflwynodd CHTh argymhellion i'r Prif Gwnstabl ar ôl craffu'n ddwys ar ymagwedd yr Heddlu tuag at fynd i'r afael â chyffuriau anghyfreithlon. Tynnodd yr adroddiad sylw at rai llwyddiannau allweddol, gan gydnabod ymrwymiad yr Heddlu tuag at fynd i'r afael â'r niwed mae camddefnyddio cyffuriau'n achosi i gymunedau. Fodd bynnag, tynnodd sylw hefyd at fylchau hollbwysig yn ymwybyddiaeth a defnydd yr Heddlu o wasanaethau cymorth camddefnyddio sylweddau i dorri'r cylch aildroseddau a lleihau'r galw mynych ar swyddogion rheng flaen. Roedd rhai cwestiynau yn yr adroddiad ynglŷn â'r potensial i Ddyfed-Powys ddysgu wrth ymagweddau tuag at gyffuriau mewn mannau eraill yn y DU ac ar draws y byd.

Roedd argymhellion yn cynnwys canolbwyntio ar ymgysylltu â phartneriaid, uchafu'r defnydd o brosesau sy'n bodoli eisoes, megis stopio a chwilio a phrofi adeg arestio, yn ogystal â rhoi prosesau newydd ar waith er mwyn sicrhau bod troseddau sy'n ymwneud â chamddefnyddio sylweddau'n cael ei drin yn briodol ac effeithiol, gan sicrhau y gweithredir arferion da a dysgu a rennir drwy brosiectau peilot eraill, cynlluniau gweithredu ac ymagweddau a gymerwyd mewn meysydd eraill.

Mae'r adroddiad isod yn cynnwys ymatebion manwl i bob un o'r argymhellion.

**Argymhelliad:**

Bod y Panel Heddlu a Throseddau'n nodi cynnwys yr adroddiad.

**Comisiynydd Heddlu a Throseddau Dyfed-Powys**

Cadarnhaf fy mod i wedi ystyried pa un ai a oes gennyf ddiddordeb personol neu niweidiol yn y mater hwn, a chymeraf y penderfyniad arfaethedig mewn cydymffurfiaeth ag Egwyddorion NOLAN ar gyfer Ymddygiad mewn Bywyd Cyhoeddus.

**Llofnod:**

**Dyddiad:**

## **Adroddiad Comisiynydd yr Heddlu a Throseddu i Aelodau'r Panel Heddlu a Throseddu**

### **Adroddiad cynnydd yn dilyn yr Adroddiad Craffu Dwys ar Ymagwedd Heddlu Dyfed-Powys tuag at Fynd i'r Afael â Chyffuriau Anghyfreithlon**

#### **1. Diben yr Adroddiad**

Wedi'i ysgogi gan ddyfodiad materion llinellau cyffuriau a throseddu trefnedig difrifol ledled yr ardal Heddlu, canfasio barn gyhoeddus ynghylch meysydd sydd angen craffu arnynt fel mater o flaenoriaeth, a chynnydd yn y wasg genedlaethol yn ddiweddar, ymgwymerodd Swyddfa Comisiynydd yr Heddlu a Throseddu (SCHTh) ag adolygiad craffu dwys o'r ffordd y mae Heddlu Dyfed-Powys yn mynd i'r afael â chyffuriau anghyfreithlon. Rhoddwyd yr adroddiad i'r Prif Gwnstabl ar 25 Ebrill 2019, a gymeradwyodd pob un o'r argymhellion.

Diben yr adroddiad hwn yw adolygu'r cynnydd a wnaed gan Heddlu Dyfed-Powys yn erbyn yr argymhellion yn yr adroddiad yn ystod y 6 mis dilynol.

#### **2. Canlyniad**

Canfu'r adolygiad, a ddaeth i ben ym mis Ebrill 2019, y canlynol:

- Mae'r Heddlu'n deall y materion a wynebir gan gymunedau Dyfed a Phowys o ran effaith cyffuriau anghyfreithlon a grwpiau troseddu trefnedig. Fodd bynnag, nid yw hyn wedi arwain at leihad yn argaeledd sylweddau Dosbarth A drwy'r cymunedau, ac nid yw wedi effeithio ar y galw ar gyfer sylweddau o'r fath.
- Cyflawnwyd gwaith helaeth ar gyfer mynd i'r afael â'r broblem o gyffuriau anghyfreithlon yn ardal Dyfed-Powys. Dangosir hyn yn y cynnydd yn nifer y troseddau masnachu rhwng 2016 a 2018; gyda chynnydd o 49% yn ystod y cyfnod hwn. Mae'r cynnydd hwn yn deillio o ymgyrchoedd ar gyfer aflonyddu ar weithgarwch sy'n ymwneud â chyffuriau. Targedwyd unigolion sy'n gysylltiedig â chyflenwi cyffuriau dosbarth A, yn ogystal â'r rhai sy'n rhan o grŵp troseddu trefnedig.
- Mae gwasanaethau cymorth camddefnyddio sylweddau'n cynnig canlyniadau a brofwyd o ran lleihau ymddygiad troseddol ac anghenion camddefnyddio sylweddau/alcohol, fodd bynnag, mae'r rhain yn cael eu tanddefnyddio, gan arwain at droseddwr mynych yn methu â derbyn y driniaeth sydd angen arnynt a chynyddu galw mynych ar swyddogion rheng flaen. Mae angen i swyddogion heddlu fod yn fwy ymwybodol o'r gwasanaethau a'r prosesau sydd ar gael iddynt, o ran cefnogi'r rhai sydd ag anghenion camddefnyddio sylweddau.
- Mae angen adolygu ymagweddau eraill tuag at gamddefnyddio cyffuriau o fewn y Deyrnas Unedig a thu allan iddi. Rhaid adolygu Ystafelloedd Cymryd Cyffuriau o ran eu heffeithlonrwydd ar gyfer lleihau niwed sy'n gysylltiedig â chyffuriau a'u heffaith ar ddenu defnyddwyr cyffuriau sy'n anodd eu cyrraedd.

### 3. Y Sefyllfa

Cyfrannodd yr adolygiad at Gynllun Heddlu a Throseddu'r Comisiynydd drwy gefnogi'r blaenoriaethau canlynol:

- Mynd i'r afael â'r niwed a achosir drwy gamddefnyddio cyffuriau (Blaenoriaeth 1 – Cadw ein cymunedau'n ddiogel)
- Gweithio gyda chymunedau a phartneriaid er mwyn aflonyddu ar weithgarwch troseddol difrifol a threfnedig (Blaenoriaeth 3 – Amddiffyn ein cymunedau rhag bygythiadau difrifol)
- Sicrhau bod y cyhoedd yn derbyn gwasanaeth gweladwy a hygyrch (Blaenoriaeth 4 – Cysylltu â chymunedau)

Roedd yr adolygiad yn anelu i nodi'r canlynol:

1. Ymateb cyfredol yr heddlu tuag at fynd i'r afael â'r defnydd o gyffuriau anghyfreithlon;
2. Effeithiolrwydd yr heddlu o ran mynd i'r afael â'r defnydd o gyffuriau anghyfreithlon;
3. Cysondeb o ran gweithredu polisi cyffuriau'r Heddlu;
4. Effaith ymagwedd yr Heddlu tuag at fynd i'r afael â chyffuriau anghyfreithlon ar gymunedau lleol; a
5. Gwasanaethau trin cyffuriau lleol a'u heffeithiolrwydd

Drwy:

1. Adnabod strategaeth gyfredol yr Heddlu o ran mynd i'r afael â'r defnydd o gyffuriau dosbarth A ledled ardal Dyfed-Powys;
2. Nodi faint sy'n manteisio ar y prosesau a ddefnyddir i adnabod a thrin y rhai sydd wedi'u heffeithio gan gamddefnyddio sylweddau;
3. Nodi lefel yr adnoddau a ddefnyddir mewn ymateb uniongyrchol i gamddefnyddio cyffuriau anghyfreithlon;
4. Tynnu sylw at feysydd arfer da ac unrhyw feysydd lle y gellir cyflwyno gwelliannau; a
5. Cheisio barn y cyhoedd, yn ogystal â defnyddwyr gwasanaeth, ynghylch cyffuriau anghyfreithlon ac effeithiolrwydd yr Heddlu o ran mynd i'r afael â nhw.

### 4. Dewisiadau a Chanlyniadau

Mae'r bwch canfyddedig mewn gwaith partneriaeth digonol rhwng yr Heddlu a darparwyr gwasanaethau camddefnyddio sylweddau'n golygu bod diffyg ymagwedd gydlynol o ran sut mae'r rhai sydd wedi'u heffeithio gan gamddefnyddio sylweddau'n cael eu trin. Mae hyn yn rhwystro'r gallu i ddarparu ymagwedd gydlynol gyson a chynaliadwy. Gall oblygiadau hyn arwain at ddiffyg:

- ymagwedd gydlynol ar gyfer mynd i'r afael â materion syn ymwneud â chyffuriau'n gyson;
- adnoddau sydd ar gael wrth gynllunio ymgyrchoedd ar gyfer aflonyddu ar gyffuriau; a

- chymorth a chynghor addas ar y dulliau mwyaf effeithiol o fynd i'r afael â materion sy'n ymwneud â chyffuriau.

Mae'r gostyngiad yn lefel y prosesau stopio a chwilio sy'n cael eu cynnal yng Ngheredigion yn gadael bwlch posibl o ran adnabod unigolion a allai fod â sylweddau anghyfreithlon yn eu meddiant, yn ogystal â'u dargyfeirio i driniaeth. Ynghyd â chanfyddiad o ddiffyg gweithredu ar gudd-wybodaeth sy'n ymwneud â chyffuriau, gallai hyn effeithio ar y gallu i ffurfio darlun cudd-wybodaeth cyffuriau yn yr ardal hon. Gall oblygiadau hyn arwain at:

- y posibilrwydd ar gyfer darlun cudd-wybodaeth cyffuriau llai;
- cynnydd posibl mewn gweithgarwch sy'n ymwneud â chyffuriau oherwydd gostyngiad yn nifer y prosesau stopio a chwilio rhagweithiol; a
- cholli cyfleoedd ar gyfer cyfeirio unigolion at driniaeth ac asesiadau ac adnabod anghenion troseddogenig.

Nid yw'r systemau TG presennol sy'n cefnogi'r broses profi adeg arestio'n ddigonol ac yn arwain at ddiffyg goruchwyliaeth addas o'r broses hon. Gall oblygiadau hyn arwain at:

- ddiffyg triniaeth yn cael ei gynnig i droseddwr addas;
- gwasanaethau camddefnyddio sylweddau'n treulio llawer iawn o amser yn ceisio cysylltu â defnyddwyr gwasanaeth oherwydd manylion coll ar ffurflenni cyfeirio yn dilyn arést;
- potensial ar gyfer troseddwr mynych, gan arwain at alw ychwanegol am swyddogion heddlu; ac
- anhawster o ran proses sicrhau ansawdd, gan gynnwys sicrhau bod data'n cael ei drosglwyddo'n effeithiol a diogel i ddarparwyr camddefnyddio sylweddau.

Gall diffyg dealltwriaeth o'r ffordd y mae'r heddlu'n defnyddio cudd-wybodaeth, a'r hyn sy'n cael ei hystyried yn gudd-wybodaeth y gellir gweithredu arni, effeithio ar hyder y cyhoedd yn yr heddlu. Gall yr oblygiadau arwain at:

- ddiffyg hyder cyhoeddus yn yr heddlu o ran eu gallu i weithredu ar gudd-wybodaeth sy'n gysylltiedig â chyffuriau;
- gostyngiad ym maint y gudd-wybodaeth a roddir i'r heddlu ynglŷn â chyffuriau gan aelodau o'r cyhoedd; ac o ganlyniad
- llai o ddealltwriaeth o'r darlun cudd-wybodaeth lleol.

## 5. Camau Gweithredu ac Adolygu

Roedd yr Heddlu wedi ymgymryd ag adolygiad gan gymheiriaid o'r ymagwedd tuag at Droseddau Difrifol a Throseddu Trefnedig yn ystod haf 2018, gyda meysydd i'w datblygu'n cynnwys ymgorffori ymgysylltu â phartneriaid ac uchafu rôl y prif swyddog cyfrifol o fewn unedau rheoli sylfaenol. Roedd camau gweithredu a oedd eisoes yn mynd rhagddynt er mwyn uchafu ymateb yr Heddlu i gyffuriau anghyfreithlon yn cynnwys:

- Byrddau partneriaeth troseddau difrifol a throseddu trefnedig yn cael eu sefydlu ym mhob URS, gan fwydo i'r byrddau troseddau difrifol a throseddau trefnedig rhanbarthol
- Cyflwyno hyfforddiant ymwybyddiaeth llinellau cyffuriau i bartneriaid
- Ymgynghoriad sy'n mynd rhagddo mewn perthynas â'r strategaeth partneriaeth troseddau difrifol a throseddu trefnedig ddrafft
- Proffil marchnad cyffuriau wedi'i ail-gomisiynu er mwyn darparu proffil o'r farchnad gyfredol i hysbysu penderfyniadau
- Cyflwynodd Timoedd Blaenoriaeth Rhagweithiol 7 aelod staff (2 ym mhob URS, ond 1 yng Ngheredigion) yn ogystal â thimoedd pennu tasgau bro a swyddogion cyffuriau'r heddlu er mwyn cefnogi aflonyddu rhagweithiol ystwyth
- Rhoi cyflwyniadau ar linellau cyffuriau i ysgolion uwchradd, staff rheilffyrdd, clybiau chwaraeon, gwestai, parciau sglefrfyrrddio a gyrwyr tacsï er mwyn codi ymwybyddiaeth a gofyn am gudd-wybodaeth
- Digwyddiadau codi ymwybyddiaeth ar gyfer awdurdodau lleol, swyddogion tai, fforymau landlordiaid a chynghorwyr sir
- Hyfforddiant wedi'i gyflwyno gan y Swyddfa Gartref ar gyfer swyddogion cyfrifol lleol

Mae Bwrdd Gweithrediadau Aur yr Heddlu, sy'n cael ei gadeirio gan y Prif Gwnstabl Cynorthwyol Dros Dro, sy'n cael ei dal i gyfrif gan y Prif Gwnstabl ym Mwrdd Gweithredol yr Heddlu, yn monitro argymhellion yr adolygiad. Yn ogystal, mae ymateb yr Heddlu i droseddau difrifol a throseddu trefnedig yn cael ei fonitro drwy'r Byrddau Gwasanaeth Lleol a'r bwrdd troseddau difrifol a throseddu trefnedig rhanbarthol.

Roedd angen i'r Heddlu roi diweddariad ffurfiol i'r Comisiynydd ar y cynnydd a wnaed ers cyhoeddi'r adroddiad craffu dwys gael ei gyhoeddi. Mewn cyfarfod o'r Bwrdd Plismona ar 15 Gorffennaf 2019, rhoddodd yr Heddlu'r diweddariad isod. Gofynnwyd am fanylion pellach ar gyfer rhai argymhellion, ac mae hyn wedi'i gynnwys o fewn yr isod.

|   | Argymhelliad                                                                                                                                                                                                                          | Y sefyllfa ym mis Medi 2019                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                      |
|---|---------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1 | <i>Ymgysylltu â phartneriaid ar gam cynllunio cynnar wrth gynnal ymgyrchoedd tarfu ar droseddau cyffuriau er mwyn sicrhau cefnogaeth pob partner, gan gynnwys CrimeStoppers, i gynnal ymgyrchoedd casglu cudd-wybodaeth targedig.</i> | <p>Yn ystod Ymgyrch Regent, mabwysiadodd yr Heddlu ymagwedd newydd tuag at ymgysylltu â phartneriaid yn ystod ymgyrch gudd. Roedd hyn yn cynnwys cyfarfod partner strategol a thactegol er mwyn rhannu cudd-wybodaeth, yn arbennig mewn perthynas â phobl sy'n agored i niwed. Casglodd gwerthusiad o Ymgyrch Regent farn partneriaid, a nodwyd bod partneriaid yn teimlo eu bod nhw wedi derbyn y wybodaeth ddiweddaraf drwy gydol yr ymgyrch a'r cam gorfodi. Oherwydd natur gudd ymgyrchoedd o'r fath, cydnabu y gall fod amharodrwydd i roi gwybodaeth i bartneriaid am gamau gorfodi. Gall hyn effeithio ar allu partneriaid i sicrhau bod digon o adnoddau ar gael mewn ardaloedd, megis galw o ran cyfeirio.</p> <p>Rhannwyd dysgu drwy dasgio cudd yr Heddlu. Mae partneriaid yn rhan o weithgarwch ymchwilio drwy gyfarfodydd tactegol gyda phartneriaid, ac ôl-drafodaethau partneriaeth strategol sensitif ym mhob cynllun gorfodi yn fuan. Cymerwyd yr ymagwedd hon yn ystod cam gorfodi Ymgyrch Moose yn ddiweddar, a chafwyd llwyddiant.</p>                                                                                                                                                                                                                                                                       |
| 2 | <i>Datblygu protocol cyson ar 'gyflenwi cyffuriau a thriniaeth ar gyfer cyffuriau' rhwng Heddlu Dyfed-Powys a darparwyr gwasanaethau camddefnyddio sylweddau arbenigol.</i>                                                           | <p>Mae'r Bwrdd Cynllunio Ardal yn chwarae rôl hollbwysig o ran cydlynu a chyflwyno ymateb partner strategol cydlynol i gymorth cyffuriau ac alcohol. Mae cefnogi ac ategu gwaith Byrddau Troseddau Difrifol a Throseddu Trefnedig o ran mynd i'r afael â Llinellau Cyffuriau'n flaenoriaeth allweddol o fewn y Strategaeth Bwrdd Cynllunio Ardal o 2019 ymlaen ac mae o fewn Cynllun Cyflenwi newydd Llywodraeth Cymru, yn arbennig mewn perthynas ag atal. Yn unol â hyn, bydd y Bwrdd Cynllunio Ardal yn cynnal Uwchgynhadledd Atal ym mis Rhagfyr 2019, wedi'i chadeirio ar y cyd gan Gyfarwyddwr Iechyd Cyhoeddus Bwrdd Iechyd Hywel Dda a Chomisiynydd Heddlu a Throseddu Dyfed-Powys, i edrych ar ymagwedd draws-bartneriaeth tuag at atal, gan gynnwys Llinellau Cyffuriau. Bydd gwaith yn canolbwyntio ar adeiladu cadernid unigol a chymunedol a chynyddu ffactorau ataliol ar gyfer y rhai sydd mwyaf mewn perygl a mwyaf agored i niwed. Mae'r Bwrdd Cynllunio Ardal hefyd wedi derbyn cyllid ychwanegol yn 2019, ac mae rhywfaint o'r cyllid hwnnw wedi'i fuddsoddi yn yr agenda atal ac ymyrraeth gynnar, gan gynnwys mwy o arian ar gyfer seicolegydd Gwasanaethau Iechyd Meddwl Plant a Phobl Ifainc a gwasanaeth ymyrraeth gynnar er mwyn targedu pobl ifainc sydd fwyaf mewn perygl, megis y rhai sydd wedi</p> |

|   |                                                                                                                            |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                          |
|---|----------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|   |                                                                                                                            | <p>dioddef profiadau niweidiol adeg plentyndod neu faterion bregusrwydd a diogelu eraill.</p> <p>Mae prosesau rhannu cudd-wybodaeth, ymgysylltu a rheoli lleol mewn grym rhwng gwasanaethau cyffuriau a'r heddlu o fewn pob sir er mwyn sicrhau bod camau gweithredu'n cael eu cymryd mewn perthynas ag apwyntiadau coll a materion eraill a godwyd gan ddarparwyr gwasanaeth.</p> <p>Ar lefel gwasanaeth, mae Gwasanaeth Cyffuriau ac Alcohol Dyfed a Thîm Cyffuriau ac Alcohol Cymunedol Bwrdd Iechyd Hywel Dda'n cysylltu ag ymgyrchoedd Llinellau Cyffuriau a Throseddau Difrifol a Throseddu Trefnedig mewn ymdrech i fynd i'r afael â Llinellau Cyffuriau a throseddau difrifol ar y cyd.</p> <p>Noder: Mae Byrddau Cynllunio Ardal yn bodoli ar ôl troed Iechyd, felly cynigir cymryd ymagwedd debyg gyda Bwrdd Cynllunio Ardal Powys.</p>                                                                                                                                                                                                                        |
| 3 | <i>Rhoi diweddariad ar y cynllun gweithredu Profi Wrth Arestio a grëwyd fel rhan o ddigwyddiad Gwelliant Parhaus 2017.</i> | <p>Mabwysiadwyd yr argymhelliad hwn a'r cynllun gweithredu gan Fwrdd Cyfiawnder Troseddol a Dalfeydd Strategol yr Heddlu. Mae'r Heddlu wrthi'n archwilio i ddewisiadau ar gyfer newidiadau system er mwyn gwella'r prosesau cyfeirio a chodi ymwybyddiaeth ynghylch y broses profi wrth arestio. Cynhaliwyd ymchwil yn genedlaethol sy'n dangos gwahaniaeth rhwng heddluoedd, gyda rhai'n defnyddio'r prosesau, eraill ddim yn eu defnyddio, a rhai'n ystyried eu hail gyflwyno. Mae'r Heddlu'n cael trafferth derbyn data ystyrion wrth y darparwyr maen nhw'n datblygu. Mae nifer y tramgwyddau'n isel ac nid yw'r llysoedd yn dedfrydu'n aml iawn ar gyfer tramgwyddau o'r natur hwn. Mae darparwyr gwasanaeth wedi rhoi adborth bod nifer o'r rhai sy'n cael eu cyfeirio eisoes yn gleientiaid maen nhw'n gweithio gyda nhw, neu rhai y maent yn gyfarwydd â nhw oherwydd natur leol ein cymunedau.</p> <p>Yn ogystal, mae'r Heddlu'n ymgysylltu â SCHTh mewn perthynas ag ail-gomisiynu gwasanaethau cymorth cyffuriau er mwyn sicrhau bod prosesau'n cyd-fynd.</p> |

|   |                                                                                                     |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         |
|---|-----------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 4 | <i>Gweithredu'r cynllun Braenaru ar draws ardal Dyfed-Powys, er mwyn cefnogi ymagwedd dwy haen.</i> | <p>Adolygwyd y cynllun peilot braenaru a gomisiynwyd gan SCHTh, ac ar hyn o bryd, mae'n cael ei ail-dendro er mwyn lansio ledled yr heddlu ar 1 Tachwedd 2019. Bydd yr ymagwedd ddiwygiedig yn awtomeiddio cyfeiriadau at asiantaethau partner er mwyn sicrhau prosesau effeithiol wedi'u symleiddio ar gyfer staff rheng flaen i wella ymgysylltiad â'r cynllun. Mae prosesau caffael ar waith, a bydd darparwr gwasanaeth yn cael ei ddewis yn gynnar fis Medi. Bwrdd Cyfiawnder Troseddol a Dalfeydd Strategol yr Heddlu, sy'n cael ei gadeirio gan y Prif Gwnstabl Cynorthwyol Dros Dro, sy'n rheoli goruchwyllo cyflenwi.</p> <p>Bydd yr Heddlu'n mabwysiadu'r ymagwedd gwarediad tu allan i'r llys 2 haen ar gyfer oedolion ym mis Tachwedd 2019 er mwyn cyd-fynd â lansiad y prosiect braenaru. Mae prosesau'n cael eu cynllunio ar hyn o bryd, a bydd rhain yn cael eu cyflwyno i'r Bwrdd Cyfiawnder Troseddol Strategol ar 15 Hydref 2019.</p> <p>Bydd briffiau rhanddeiliaid yn cael eu cyflwyno i'r Panel Sicrhau Ansawdd cyn y lansiad.</p> |
| 5 | <i>Adolygu effeithiolrwydd Ystafelloedd Cymryd Cyffuriau o ran lleihau niwed.</i>                   | <p>Mae ystafelloedd cymryd cyffuriau wedi'u treialu'n llwyddiannus tu allan i'r DU. Er mwyn ystyried yr ymagwedd hon yng Nghymru, byddai angen cymorth y Weinyddiaeth Gyfiawnder, GEG a'r Swyddfa Gartref ar gyfer gollyngiad cyfreithiol. Yn ogystal, byddai angen ystyried dadansoddiad gofalus o'r proffil cyffuriau lleol yn Nyfed-Powys er mwyn sicrhau bod yr ymagwedd hon yn addas ar gyfer y math o ddefnydd cyffuriau, demograffeg a methodoleg defnydd yn ein hardal.</p> <p>Mae'r Heddlu wedi ymrwymo i gefnogi Swyddfa Comisiynydd yr Heddlu a Throseddu o ran gwerthuso'r sail dystiolaeth i weithio tuag at yr amcan hirdymor os yw ymchwil yn cefnogi ei ddefnydd yn yr ardal leol.</p>                                                                                                                                                                                                                                                                                                                                                  |
| 6 | <i>Ymgysylltu â Byrddau Cynllunio Ardal i gefnogi'r agenda atal ehangach.</i>                       | <p>Fel y nodir yn argymhelliad 2, mae'r Bwrdd Cynllunio Ardal yn gysylltiedig â chreu cynllun gweithredu llinellau cyffuriau er mwyn mynd i'r afael ag atal ehangach.</p>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                               |

|   |                                                                                                                                                                                               |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                          |
|---|-----------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 7 | <p><i>Sicrhau bod yr arferion gorau a amlygwyd yn y gwaith 'Pwyntiau Dysgu Allweddol o ran Marwolaethau sy'n Gysylltiedig â Chyffuriau' yn cael eu hymgorffori yng ngwaith yr Heddlu.</i></p> | <p>Mae cynnwys yr adroddiad 'Marwolaethau sy'n Gysylltiedig â Chyffuriau yn Lloegr' wedi'i gynnwys yng nghynllun a strategaeth y bartneriaeth Troseddau Difrifol a Throseddau Trefnedig. Yn ogystal, mae'r dysgu'n cael ei rannu â byrddau Troseddau Difrifol a Throseddau Trefnedig lleol. Yn dilyn cynnydd yn nifer y digwyddiadau yn Llanelli ychydig flynyddoedd yn ôl, daeth grŵp arolygu marwolaethau sy'n gysylltiedig â chyffuriau at ei gilydd, gyda chynrychiolaeth wrth uwch swyddogion yr heddlu. Crëwyd a chwblhawyd cynllun gweithredu. Roedd hyn yn cynnwys cyflwyno nalocson, adolygiadau amlasiantaeth o farwolaethau sy'n gysylltiedig â chyffuriau lle bo'n briodol, a mwy o wasanaethau cymorth. Roedd y grŵp hwn yn cael ei arwain gan Fwrdd Iechyd Hywel Dda, ond o ganlyniad i ailstrwythuro a phrinder staff, nid ydynt wedi llwyddo i gefnogi'r cyfarfod ers mis Hydref 2018. Rydyn ni wedi ymgysylltu â nhw fel rhan o'r gwaith strategaeth Troseddau Difrifol a Throseddau Trefnedig, ac maen nhw'n cydnabod bod hwn yn faes mae angen iddynt flaenoriaethu, yn enwedig o ystyried ffigurau diweddaraf y Swyddfa Ystadegau Gwladol mewn perthynas â marwolaethau sy'n gysylltiedig â chyffuriau. Mae'r Ditectif Brif Arolygydd Gareth Roberts yn gweithio gyda nhw er mwyn adfywio'r gwaith hwn drwy'r byrddau Troseddau Difrifol a Throseddau Trefnedig.</p> |
| 8 | <p><i>Adolygu'r canlyniadau yn dilyn defnyddio stopio a chwilio, i sicrhau bod y rhain yn cael eu cymhwyso'n briodol ac yn gyson.</i></p>                                                     | <p>Mae Stopio a Chwilio'n arf defnyddiol ac effeithiol, ond yn un pwerus sydd angen ei ddefnyddio'n ofalus a theg. Mae ymchwil o fewn yr heddlu ac yn genedlaethol yn dangos bod diffyg hyder gan swyddogion i ddefnyddio'r arf hwn gan fod y llywodraeth yn craffu ar y defnydd ohono.</p> <p>Mae Stopio a Chwilio'n cael ei lywodraethu gan y Grŵp Defnydd Moesegol o Bwerau'r Heddlu. Mae'r grŵp hwn wedi ymgorffori prosesau archwilio newydd, sy'n cynnwys arolygydd lleol, ac arolygydd annibynnol sy'n adolygu ansawdd a rheidrwydd hyd at 25% o chwiliadau'r mis. Mae canfyddiadau'n cael eu bwydo nôl yn unigol ac i'r grŵp mewn perthynas â dysgu sefydliadol.</p> <p>Mae Panel Sicrhau Ansawdd y Comisiynydd (sy'n cynnwys preswylwyr annibynnol) yn adolygu digwyddiadau stopio a chwilio yn rheolaidd. Maen nhw'n ystyried cofnodion ysgrifenedig a ffilmiau camera corff cyfatebol er mwyn barnu pa un ai a ydynt yn ystyried bod sail resymol dros chwilio a bod yr unigolyn wedi ei drin yn deg a chymesur</p> <p>Er mwyn cefnogi swyddogion, mae cynllun cyfeillio wedi'i gyflwyno ym Mhowys a Cheredigion er mwyn cynyddu hyder a gwybodaeth swyddogion mewn perthynas â stopio a chwilio. Bydd hyn</p>                                                                                                                                                                |

|   |                                                                                                                                                                     |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                     |
|---|---------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|   |                                                                                                                                                                     | <p>yn cael ei gyflwyno ledled yr ardal heddlu cyn hir.</p> <p>Trwy'r broses hon, nodwyd rhai anghysondebau o fewn data canlyniadau stopio a chwilio'r Heddlu. Bydd canlyniad yn cael ei weithredu wrth gynnal y chwiliad, ond does dim mecanwaith ar gyfer diweddarau hyn yn ddiweddarach pe bai datblygiadau pellach. Gall hyn arwain at ddatgysylltiad ymddangosiadol rhwng nifer y canlyniadau a chwiliadau cadarnhaol. Mae'r Grŵp Defnydd Moesegol o Bwerau'r Heddlu'n ystyried datrysiadau.</p>                                                                                                                                                                                                                                                                                                                                                                                                                                                                                                                |
| 9 | <i>Cynnal gwerthusiad o'r defnydd o'r cynllun peilot Ymchwilydd y Cyfryngau Digidol yn Sir Benfro i nodi manteision posibl cyflwyno hyn ledled ardal yr Heddlu.</i> | <p>Mae adolygiad llawn o'r cynllun peilot Ymchwilydd Cyfryngau Digidol a chapasiti a gallu'r Uned Cyfathrebu Digidol a Seiberdroseddu wedi'i gynnal a'i gyflwyno i'r Prif Gwnstabl Cynorthwyol Dros Dro Evans. Cydnabyddir yn genedlaethol bod cynnydd o ran maint cymhlethdod data a chyfryngau digidol yn creu problemau sylweddol ar gyfer gorfodi'r gyfraith. Er mwyn cynyddu gallu, mae nifer o argymhellion wedi'u mabwysiadu, sy'n cynnwys:</p> <ul style="list-style-type: none"> <li>• Gwell capasiti lleol drwy wella sgiliau swyddogion cudd-wybodaeth lleol yr heddlu er mwyn iddynt gyflawni swyddogaethau Ymchwilydd Cyfryngau Digidol</li> <li>• Gwell gallu lleol ar gyfer archwilio ffonau symudol gyda chymorth Ymchwilyddwr Lleoliadau Trosedd yr heddlu, yn amodol ar ymgynghori pellach gyda staff a chymdeithasau staff</li> <li>• Gwell capasiti drwy brynu offer ychwanegol er mwyn cynorthwyo â brysennu ac adolygu. Mae hyn yn cael ei ariannu gan yr Heddlu a SCHTh ar y cyd.</li> </ul> |

## 6. Atodiadau

- Dim

## 7. Papurau Ategol/Cefndir

- Adroddiad gwreiddiol: <http://www.dyfedpowys-pcc.org.uk/media/7611/deep-dive-report-approach-to-tackling-illegal-drugs.pdf>
- Ymateb y Prif Gwnstabl: <http://www.dyfedpowys-pcc.org.uk/media/8326/letter-from-cc-to-pcc-re-deep-dive-review.pdf>